



# PERTANDINGAN MEREKA CIPTA VIDEO PENDEK KEFAHAMAN ISLAM (VIPKI) 2024

UNTUK PENUNTUT INSTITUT PENGAJIAN TINGGI (IPT)

TEMA  
"HARMONI"

ANJURAN  
INSTITUT KEFAHAMAN ISLAM MALAYSIA (IKIM)

TARIKH TUTUP  
PENYERTAAN

31 JULAI  
2024 | 11.59  
PM

HADIAH  
PERTAMA 1  **RM 15,000**

Beserta Sijil Penyertaan dan Trofi

HADIAH  
KEDUA 2  **RM 10,000**

Beserta Sijil Penyertaan dan Trofi

HADIAH  
KETIGA 3  **RM 5,000**

Beserta Sijil Penyertaan dan Trofi

5 hadiah saguhati yang bernilai RM1,000  
setiap satu beserta Sijil Penyertaan

NILAI-NILAI YANG PERLU DIKETENGAHKAN

ADAB | MUHIBBAH | TOLAK ANSUR  
TOLERANSI | KEMANUSIAAN | EMPATI  
KEJUJURAN | KESEDERHANAAN | KERENDAHAN HATI

SILA IMBAS  
UNTUK  
SYARAT-SYARAT  
&  
BORANG  
PENYERTAAN



SEBARANG PERTANYAAN SILA HUBUNGI:  
UNIT PROGRAM & LATIHAN  
☎ 03 - 6204 6323/ 320  
☎ 03 - 6204 6201  
✉ vipkiharmoni@ikim.gov.my

## PENGENALAN



Institut Kefahaman Islam Malaysia (IKIM) dengan sukacitanya mengumumkan penganjuran Pertandingan Merekacipta Video Pendek Kefahaman Islam (VIPKI) Untuk Penuntut Institut Pengajian Tinggi (IPT) 2024. Para penuntut Institusi Pengajian Tinggi Awam (IPTA) dan Institusi Pengajian Tinggi Swasta (IPTS) yang berminat adalah dipelawa untuk menghantarkan karya mereka mengikut tema serta syarat-syarat yang telahpun ditetapkan.

## OBJEKTIF

Pertandingan ini bertujuan untuk:

- Menggalakkan penghasilan video pendek kefahaman Islam bagi membina minda Islami dalam kalangan masyarakat;
- Menggalakkan penghasilan video pendek yang dapat mendidik dan menanamkan nilai-nilai sejagat kepada khalayak; dan,
- Mencungkil potensi video pendek sebagai medium untuk memberi kefahaman Islam kepada masyarakat Malaysia khususnya, dan masyarakat global, amnya.

## SYARAT- SYARAT PENYERTAAN



- (1) Video pendek ini hendaklah berdurasi 5 minit (Durasi yang kurang atau lebih dari itu akan dibatalkan penyertaannya) (*Credit title*, jika ingin dimasukkan hendaklah berada selepas minit ke-5:00 video tersebut); dan,
- (2) Video pendek ini hendaklah menggunakan format \*.mov atau \*.mp4 dengan resolusi Full HD atau Ultra HD.
- (3) Pertandingan ini terbuka kepada semua penuntut IPTA dan IPTS di Malaysia tanpa mengira bangsa dan agama yang sedang mengambil kursus di peringkat Sijil, Diploma, Ijazah Sarjana Muda, Ijazah Sarjana atau Ijazah Doktor Falsafah;
- (4) IPT yang terlibat termasuklah Pra-U (Kolej Tingkatan 6, Matrikulasi dan Asasi), Kolej Komuniti, Institut Kemahiran, Politeknik, Institut Pendidikan Guru dan Universiti;
- (5) Penyertaan terbuka secara berkumpulan sahaja;
- (6) Jumlah minimum ahli kumpulan ialah dua (2) orang dan jumlah maksimumnya lima (5) orang, termasuk Ketua Kumpulan. Penyertaan pelbagai etnik dan ahli bukan Islam dalam satu kumpulan amatlah digalakkan;
- (7) Bagi menggambarkan keharmonian masyarakat yang menjadi tema pertandingan, karya ini perlu melibatkan pelakon daripada pelbagai kumpulan etnik;
- (8) Setiap kumpulan dan ahli kumpulan hanya layak menghantar satu (1) video pendek sahaja (Nama yang sama tidak boleh berada dalam dua kumpulan yang berbeza);
- (9) Karya hendaklah dihasilkan dalam **Bahasa Kebangsaan (Bahasa Melayu)**;
- (10) Karya yang dihasilkan untuk pertandingan ini mestilah karya asli, bukan terjemahan, saduran atau penyesuaian daripada video pendek lain, belum pernah diterbitkan atau apa sahaja pengertian yang boleh menyebabkan karya tersebut bukan merupakan karya asli. Penyertaan akan dibatalkan sekiranya karya yang dikemukakan tidak asli atau diciplak;

## SYARAT- SYARAT PENYERTAAN



- (11) Video pendek yang dikemukakan mestilah yang dicipta khusus untuk pertandingan ini dan tidak pernah menyertai mana-mana pertandingan, sama ada di peringkat kebangsaan, mahupun antarabangsa;
- (12) Video pendek yang dipertandingkan tidak boleh digunakan untuk tujuan penyiaran lain sebelum keputusan peraduan diumumkan;
- (13) Tidak dibenarkan menyentuh sensitiviti kaum, agama serta politik dalam pembikinan video pendek ini;
- (14) Peserta yang gagal mematuhi peraturan-peraturan di atas akan dibatalkan penyertaannya;
- (15) Pihak penganjur tidak bertanggungjawab untuk menanggung sebarang kos atau kerugian yang ditanggung oleh peserta;
- (16) Setiap penyertaan hendaklah menggunakan borang rasmi yang boleh didapati daripada Urusetia atau dari laman web IKIM: [www.ikim.gov.my](http://www.ikim.gov.my)
- (17) Pegawai dan kakitangan Institut Kefahaman Islam Malaysia (IKIM) serta ahli keluarga terdekat mereka, tidak dibenarkan menyertai pertandingan ini;
- (18) Penyertaan hendaklah die-melkan kepada: [vipkiharmoni@ikim.gov.my](mailto:vipkiharmoni@ikim.gov.my)
- (19) Untuk keterangan lanjut, sila hubungi Puan Hajah Siti Fatimah Abdul Rahman (E-mel: [siti@ikim.gov.my](mailto:siti@ikim.gov.my))
- (20) Tarikh tutup penyertaan ialah pada 31 Julai 2024. Keputusan peraduan akan diumumkan pada Disember 2024;
- (21) Setiap penyertaan akan melalui saringan Jawatankuasa Teknikal yang akan memastikan segala syarat teknikal yang ditetapkan, dipatuhi;

## SYARAT- SYARAT PENYERTAAN



- (22) Penyertaan yang melepasi saringan Jawatankuasa Teknikal akan disenaraipendekkan oleh Jawatankuasa Penilai Dalaman yang terdiri dari wakil Pusat Akademik/ Bahagian dan Ketua Unit IKIM;
- (23) 30 penyertaan yang disenarai pendekkan akan masuk ke Pusingan Akhir dan diadili oleh Jawatankuasa Panel Penilai yang ahlinya dilantik oleh IKIM. Keputusan Jawatankuasa Panel Penilai adalah **muktamad**. Sebarang rayuan atau pertikaian tidak akan dilayan;
- (24) Pemenang akan dihubungi melalui telefon dan e-mel; dan,
- (25) Lapan (8) karya yang menang akan menjadi hakmilik IKIM dan IKIM berhak untuk menerbit, mengeluarkan, memapar, mengedar, menyunting dan menayangkan pada skrin karya tersebut baik di laman web, pameran mana-mana media yang lain atau media sosial untuk apa-apa tujuan yang wajar serta pada kekerapan yang difikirkan patut. IKIM akan memberi kredit kepada pengkarya yang video pendeknya ditayangkan.